


潜確居類書

十七山

九

032.
Ti282s




国立国会図書館 タイトル『潜確居類書120巻』 請求記号 032-Ti282s

ガラス使用

032

Ti2820



338105

潜確居類書目錄卷十七

區字部十二 山三

諸山二 山東 山西 諸邊衛

濟南府 以下山東

華不注山 鵲山


函山 鮑山

藥山 龍洞山

奎山 東陵山

啞婦山 梓檀山

夾谷山 長白山



卷十七

區字部



米山

方山

陶山

孝堂山

泰山

徂徠山

梁父山

宮山

冠山

兗州府

尼山

顔母山

防山

雀山

鳧山

嶧山

昌平山

四基山

高皇埠山

龜山

桃山

雪山

魚亭山

栖霞山

范山

澹臺山

釣魚山

平山

金郷山

鞞山

太白山

穀城山

魚山

釣臺山

孔子山

陶山

梁山

馬陵山

蒙山

東昌府

弁山

鳴石山

歷山

青州府

雲門山

牛山

杜山

菟頭山

几山

沂山

靈山

琅琊山

孤山

九仙山

穆陵山

登州府

丹崖山

田橫山

羽山

蘆山

蹲狗山

之罘山

艾山

繫馬山

大昆侖山

文登山

召石山

成山

萊州府

之萊山

孤山

潜確居類書 卷十一 區宇部



程符山

節女山

播鼓山

霍侯山

大珠山

鵝鳩山

靈山

陰山

勞山

遼東都指揮使司

華表山

醫巫閭山

木葉山

長白山

太原府

以下山西

繫舟山

西山

牟腸山

阪泉山

懸甕山

狐突山

呂梁山

隱泉山

公猶山

藏山

白馬山

李賓山

石峽山

管涔山

黑風山

火山

鵲山

臯落山

程侯山

鴈門山

句注山

夏屋山

夫有確居類書

區字部

舜山

五臺山

仙人山

崞山

平陽府

姑射山

龜山

喬山

中條山

堯山

歷山

首陽山

五老山

九原山

稷神山

太行山

教山

霍山

孟門山

蒲子山

潞安府

大百穀山

五龍山

發鳩山

紫雲山

三巖山

凝山

五陰山

仙堂山

鳳皇山

伏牛山

抱犢山

白岩山

汾州府

萬戶山

石婆神山

謁泉山

石室山

介山

爛柯山

呂梁山

白炭山

沁州

對平山

綿山

山堂山

澤州

鼓山

太行山

九京山

大同府

正嶺山

白登山

恒山

龍門山

賀蘭山

陰山

元姬山

大同山

九宮山

太白山

鼓山

開封府

以下隸河南行省

鼓山

夷山

牛脾山

白雲山

陘山

具茨山

靈洞山

靈源山

檀山

廣武山

敖山

荆山

蘭岩山



首山

歸德府

隱山

韓陵山

魯山

倚陽山

天平山

賀蘭山

衛輝府

蒼山

蘭山

嵯峨山

碭山

蒙賚山

西牟山

隆慮山

石鼓山

鼓山

天宮山

同盟山

黑山

青岩山

蘇門山

共山

白鹿山

天門山

懷慶府

太行山

王屋山

玉陽山

稽山

紫金山

河南府

周山

芒山

伊闕山

香山

卷卅七

區守部

六



八將山

首陽山

緱山

乾脯山

半石山

侯山

九山

轅轅山

女几山

嵩山

陽城山

箕山

大苦山

嶠山

金門山

青要山

慕容山

雲門山

韶山

陸渾山

伏牛山

三塗山

釐山

思遠山

介丘山

茅谷山

號山

熊耳山

底柱山

峴山

夸父山

荆山

汝州

崆峒山

風穴山

魯山

彭山

商餘山

大劉山

峩眉山

香山

九里山

雲夢山

汝寧府

鳳穴山

天中山

渣呀山

蟠山

朗陵山

靈山

天目山

鵲山

老君山

杏山

浮弋山

銅井山

白牙山

横溪山

三釜山

南陽府

文鳳山

豫山

雉衡山

紫山

蕞山

白玉山

桐柏山

天封山

石門山

胎簪山

石柱山

天子望山

馬戸山

香爐山

高前山

太白山


秋林山

黃成山

夫... 頁...

區字部

乙



西安府 以下陝西

終南山

太乙山

龍首山

驪山

慶山

玉山

七盤山

仲山

甘泉山

堯門山

嵯峨山

石樓山

靈臺山

商山

熊耳山

秦嶺山

夢谷山

玄扈山

天柱山

龍門山

少華山

太華山

金粟山

豐山

蟠龍山

磬玉山

鑑山

女回山

中山

荆山

梁山

九嶷山

武將山

太白山

武功山

明月山

翠屏山



漢中府

漢山

中梁山

仙臺山

箕山

太白山

紫栢山

五丁山

太丙山

玉女山

天臺山

大巴嶺山

雞翁山

斗山

武都山

白馬山

潘冢山

龍門山

牛山

天柱山

藥婦山

鳳翔府

雍山

五將山

梁山

太白山

石鼓山

吳嶽山

隴山

女媧山

岐山

南山

飛鳳山

陳倉山

青蓮山

關山

平涼府

崆峒山

可藍山

隴山

雉頭山

潛夫山

玉山

須彌山

六盤山

回中山

臨洮府

西傾山

崆同山

鳥鼠山

樂蘭山

白石山

龕山

馬寒山

雪山

積石山

鞏昌府

桃花山

朱圉山

石門山

瓜牛山

薰黑山

琵琶山

泥功山

祁山

鹿玉山

仇池山

伶倫山

素嶺山

太白山

嶓冢山

麥積山 九龍山

長山 單于山

夕山 金紫山

慶陽府 濟山

景山 子午山

烏崙山 羅山

撫琴山 木圍山

延安府

嘉嶺山 碧簪山

清涼山 伏龍山

牡丹山 雕陰山

勞山 鴉鴿山

神木山 于岔山

孟門山 安樂山

屏山 獨戰山


髑髏山 青眉山

櫻桃山 橋山

翟道山 太子山

疏屬山 燕然山

諸邊衛 賈蘭山



峽口山

質蘭山

沙山

石空山

東隴山

石嶺山

西嶺山

岷山

冷落山

遮陽山

積石山

黑山

馬神山

紅山

合黎山

祈連山

昆侖山

馬蹄山


九隴山

雪山

三危山

鳴沙山

蘇武山



潜確居類書目錄卷十七

潜確居類書卷之十七

史官陳仁錫明卿父纂輯

區宇部十一

山三

諸山二

山東 陝西

山西 諸邊衛

陝西 河南

濟南府

以下山東

華不注山○郡縣志華不注山在府城東北。虎牙傑

立孤峰刺天

鵲山○輿地志鵲山在府城北。相傳每歲七八月間

烏鵲翔集于此。又云扁鵲煉丹此山因名

函山○一統志函山在城南。又名臥佛山。○酉陽雜

泗水類書 卷一
俎函山有鳥名王母使者。漢武登此得玉函。尋化爲白鳥飛去。

鮑山○郡國志鮑山在府城東。世傳鮑叔牙管仲分金於此。

藥山○寰宇記藥山在歷城縣出陽起石。

龍洞山○名勝志龍洞山在歷城縣。山如重甌。彦上

有東西二洞。東洞口釜鬲尚存。煙火之跡如墨。昔人避兵引組以上。○九域志此山禹所嘗登。亦名

禹登山

奎山○輿圖攷奎山在歷城縣。有奎山公。神似猪頭。

戴珠。殷周之間。道士隱焉。野火四發。道士祈天。即時降雨。今人遇旱。燒山乞雨。多驗。

東陵山○一統志東陵山在章丘縣。相傳盜蹠死處。

○淮南子柳下蹠死于東陵。即此山也。南有蹠墓。

啞婦山○述征記啞婦山在鄒平縣。俗傳孔子去齊。

至此問道有婦人佯啞以滅跡。西北有鄒關。相傳孔子問津處。

梓潼山○廣輿記梓潼山在淄川縣東十里。上有鬼

谷洞。下有鄭玄祠。○齊略鄭公玄刊註詩書。教授生徒。日栖遲于此山。因名巒山。上有古井。不竭。獨

生細草其葉形似韭。俗謂之鄭公書帶草。山後有
 蚕穀。相傳昔仙人藏穀種于洞中。數年一次出晒。
 種于地。回頭即穗黃。因謂之回頭黃。又洞中仙人
 畜養金蚕。嘗有人拾得金繭于此。故俗謂鬻山蚕
 穀也。○宋處士王樵隱此。靖康之亂。失父母。不得
 遂。刻木以葬。立祠畫像。事之若生。喪服六年。自稱
 贅世。累磚自環。謂之繭室。病革。入室自掩戶卒。

夾谷山○一統志夾谷山在淄川。舊名祝其山。即孔
 子相定公會齊盟地。

長白山○名勝志長白山在長山縣。古肅然山也。云
 即於陵仲子隱處。亦名會仙山。山南有大湖。上有
 石室及敗漆船。記云堯時物也。

米山○郡國志米山在長山縣。以齊桓公積土為虛
 粮于上。故名。

方山○名勝記方山在長清縣。四面如削。即水經玉
 符山也。按圖經。本希有佛出現之地。又有明鏡石。
 在山頂。相傳昔奘生得仙于此。石方三文。明瑩如
 鏡。魑魅行伏。了然鏡中。至南燕時。鏡上忽有漆。俗
 言山神惡其照物。故漆之。又鐵袈裟。在絕頂佛殿
 內。鐵鑄僧伽衣。高五尺。相傳擁出地上。似鉄非鉄。



未詳何代

陶山○一統志陶山在肥城接平陰界范蠡浮海出

齊間行止此

孝堂山○廣輿記孝堂山在肥城上有石室世傳漢

孝子郭巨葬母之所

泰山○郡縣志泰山在泰安即東岳詳五岳

徂徠山○一統志徂徠山在泰安宋石介築室其下

梁父山○名山志梁父山在泰安志稱七十二君多

禪此

宮山○一統志宮山在新泰漢武帝東巡建宮於此

有石秋遷架尚存

冠山○郡國志冠山在萊蕪縣漢昭帝元鳳間山忽

洶洶如千人聲視之有大石自立高丈五尺四十

八圍三石爲足一石居上其形如冠故名

兗州府

尼山○兗州志尼山在嶽陽縣叔梁紇所生之地○

家語叔梁紇與顏氏禱于尼山而生孔子○祖庭

廣記顏氏禱于尼山升之谷草木之葉皆上起降

之谷草木之葉皆下垂姪十二月而生其山五峯

連峙中峯之麓有宣聖廟廟南有觀川亭亭東有

坤靈洞。元時嘗有人持火曳繩而入。三四丈。忽隙間有光。觀一室。口廣兩楹。中橫石床石枕。皆若天成。

顏母山○塚廟記。顏母山在磁陽縣東南。與尼山相對。上有聖井及顏母廟。即孔子之母也。

防山○一統志。防山在曲阜禮記孔子父母合葬於防。即此。

雀山○名勝志。雀山在寧陽縣東北四十里。相傳春秋時有神雀集于上。魯義姑避難處也。義姑即弃子存姪者。

鳧山○輿地志。鳧山在鄒縣。接魚臺界。形如鳧飛。世傳伏羲畫卦於此。

嶧山○一統志。嶧山在鄒縣洞府玲瓏。岩竇崎峭。秦始皇登此。李斯刻石頌德。○名勝志。禹貢嶧陽孤桐。今此山猶多桐柏。疑即此也。有穴。遙與洞庭通。謂之嶧孔。可以逃難。晉太尉郗鑒避胡寇于此。山下有大驛。名郗公驛。

昌平山○一統志。昌平山在鄒縣。孔子生此。

四基山○郡邑志。四基山在鄒縣。山巔有石。狀如堂基。故名。傳聞孟子葬此。

238185

高皇埠山○名勝志高皇埠山在鄒縣牙陽二山之間。山不甚高。俗傳漢高祖微時。潛跡于此。

龜山○寰宇記龜山在泗水。○詩奄有龜蒙。○春秋

定十年齊人來歸龜陰之田。田在山北。○水經注

昔夫子傷周道之陵遲。故望山而作操。今琴曲有

龜山操

桃山○郡國志桃山在滕縣。即華采山也。一名義珠

山。山上有井。不可窺。窺者不盈歲。輒死。有鳥巢于

井中。金喙黑色。而團翅。見則大水。

雪山○塚廟記雪山在滕縣。上有梵王太子廟。有磐

陀石。悟真岩。諸勝。又有丹陽白雲。黃龍青龍各洞。

其傍有東哭山西哭山。俗傳梵王母尋子處。不知

何本。○郡志即薛山也。或謂之雪山。

魚亭山○兗州志魚亭山在魚臺縣。即魯公觀魚處。

棲霞山○郡縣志棲霞山在單縣。相傳梁孝王遊此。


有詞賦。鐫石。李白送族弟凝。回棲霞留飲處也。

范山○城塚記范山在嘉祥縣南。相傳范巨卿家其

下。巨卿墓在大鼎山前。距此山十里。今湮沒。墓碑

移置州學內。諺云。大鼎山前十八塚。末末東頭范

巨卿



澹臺山○塚廟記澹臺山在嘉祥縣。世傳澹臺滅明家此有澹臺墓

釣魚山○郡國志釣魚山在嘉祥縣。山頂有石如釣臺。臺旁石竅中有鉄環。往來移動。輒作聲。臺上有巨人跡。山之西有晁錯墓

平山○城塚記平山在嘉祥縣。有秋胡子墓。俗傳秋胡子妻邵姓。貞烈為神

金鄉山○一統志金鄉山在鉅野。漢魯恭鑿為墓。得白兔而止。更葬山南。而得金。故曰金鄉。有洞名清涼。相傳為秦始皇避暑處

瓠山○圖經瓠山在東平州。以形似瓠圓長也。○漢

書瓠山山脇石一丈。轉側起立。高九尺六寸。旁行一丈。高四尺。東平王雲及后謁居。束蓓草祠石。為息夫躬所告處

太白山○名勝志太白山在汶上。以太白嘗遊著名。○涿州志唐盧照隣調新都尉。以病免官。隱太白山。即此

穀城山○郡縣志穀城山在東阿縣。一名黃山。山巔有石。巋然數丈。其色正黃。故曰黃石。○史記黃石公出一編書。授張良曰。讀是則為王者師。後十三

年見我濟北穀城山下黃石。即我也。他日良于山下。果得黃石。祀之。後人立祠。歲以三月十八日致祭。○西征記穀城管仲私邑。南山有管仲井。○統志穀城在縣南十二里。礪礪山之下。關城南三土堆。即擅道濟唱籌量沙之所。

魚山○一統志魚山在東阿。一名吾山。漢武帝瓠子歌云。功無已時。今吾山平。謂此。

釣臺山○郡志釣臺山在東阿縣鎮城東山多碎石。若魚蟹狀。其麓有釣磯。相傳嚴子陵釣魚處。石上有雙趺痕。離此不遠。有子陵臺。

孔子山○名山志孔子山在平陰縣。本名紫蓋。上有夫子教書堂遺址。

陶山○輿地志陶山在平陰縣。范蠡浮海出齊。自號鴟夷子皮。間行止于陶。因號陶朱公。

梁山○寰宇記在壽張縣。○郡志本名良山。梁孝王嘗獵于此。改爲梁山。周迴二十餘里。上有虎頭崖。及古龕蹟。山南爲古大埜澤。禹貢所謂大野。旣瀦也。宋謂之梁山。樂俗傳梵王太子修道處。

馬陵山○名勝志馬陵山在郟城縣東。北亘沂州。南抵宿遷。其山高阜狀若馬。相傳即古瑯琊山也。齊

孫臏勝龐涓于此。上有由吾洞。

蒙山○廣輿記蒙山在費縣西北。即禹貢所謂蒙羽其藝也。山頂有白雲岩。產雲茶。○高士傳萊子隱居蒙山之陰。衣縑飲水。著書十五篇。○劉芳徐州記。後漢承宮躬稼于蒙山之下。宋時瑯琊人賀元。脩真于此。

東昌府

弁山○一統志弁山在莘縣。○左傳齊閭丘嬰出奔于弁中。卽此。

鳴石山○東昌志鳴石山在高唐州。山巖高百餘仞。

扣之聲甚清越。晉太康中田宣隱巖下。每見一人著白單衣。徘徊巖上。及曉方去。一日宣拊石潛伺其來。執袂詰之。具言姓王。字中倫。周宣王時。入少室山修道。往來經此。愛此石清響。故輒留聽。宣因力求養生術。遂遺一石如雀卵。其人忽不見。宣舍石常百日不飢。見酉陽雜俎。

歷山○郡縣志歷山在濮州。卽舜耕處。

青州府

雲門山○名勝志雲門山在益都縣。一名雲峯山。山麓爲花林。曠上多柿樹。秋深霜葉蔓衍平鋪。登山

遠望如爛錦然其石上名大雲頂中有通穴如門。可容百餘人遠望若懸鏡

牛山○一統志牛山在臨淄縣齊景公登牛山流涕曰美哉國乎若何去此而死也艾孔梁丘據皆從而泣晏子獨笑於旁公問故對曰使賢者不死則太公桓公常守之矣勇者不死則莊公靈公常守之矣吾君安得此位乎至於君獨欲常守是不仁也二子從而泣是諂諛也見此二者臣所以竊笑公舉觴自罰罰二臣者

杜山○寰宇記杜山在臨淄縣卽愚公谷也○說苑

齊桓入杜山見老人愚谷公曰公儀狀非愚而名愚何也對曰臣畜犢牛生犢子以犢買駒少年謂牛不能生馬遂持駒去而不告隣人謂臣曰愚管仲曰此夷吾過也使堯在上咎繇爲理安有取人駒者乎今杜山之西愚谷之東有愚公塚存○高士傳閭丘先生不拜桓公之賜卽此山也

菟頭山○圖經菟頭山一名鼎足山在臨淄縣齊桓公塚在焉晉永嘉末人發桓公冢得珠襦玉匣桓公塚傍有管仲墳名管仲坡

几山○寰宇記几山在臨淄縣黃帝封太山禪几山

合符得不死。卽此山也。

沂山○沂山在臨朐。今爲東鎮。

靈山○靈山在臨朐。齊大旱。景公欲禱。卽此。

琅琊山○九域志。琅琊山在諸城。東枕大海。始皇嘗

留此三日。築層臺于上。徒黔首三萬戶臺下。立石

頌德。

孤山○孤山在昌樂。伯夷避紂居此。

九仙山○名勝志。九仙山在昌樂縣東。高聳摩空。常

有仙人居之。西北有潭水。與東相通。久雨將晴。井

中有聲如雷。旱則以石擊井。必雨。其他爲峯巒十

有一。磐石十有八。奇秀不減于鴈宕云。

穆陵山○輿地志。穆陵山在沂水縣。○左傳。管仲曰。

昔召康公賜我先君履。南至于穆陵。

登州府

丹崖山○括地志。丹崖山在府城北。其下峭壁千丈。

水中有小石狀如珠。或如彈丸子。歲久爲海浪所

磨。圓潔光瑩可愛。蘇軾嘗取數百。養石菖蒲。

田橫山○輿圖攷。田橫山在府城北。韓信破齊。橫率

其徒五百人棲此。

羽山○名山志。羽山在蓬萊。卽殛鯀處。無草木。多螻

垂其上多雨

蘆山○神仙記蘆山在黃縣卽蘆童子得道之處童子晉人九歲昇仙唐封冲禧真君勅建蘆山觀

蹲狗山○輿地志蹲狗山在黃縣石形如蹲狗故名

漢劉寵出西都經此山山犬吠之寵曰山神謂我入也後果爲太尉

之杲山○一統志之杲山在福山接文登界三面臨海始皇刻石紀功于此

艾山○名勝志艾山在棲霞縣嶺岼秀出形如艾葉故名山前有溫泉

繫馬山○登州志繫馬山在寧海州相傳秦始皇遊

此山攬草繫馬至今草皆垂屈若人繫之狀

大昆侖山○寰宇記大昆侖山在寧海麻姑嘗修道於此又名姑餘山

文登山○廣輿記文登山在文登始皇召文士登此論功頌德故名

召石山○九州記召石山在文登始皇欲造橋渡海觀日出處有神人召巨石相隨而行石行不駛鞭之見血今山下石皆赤色

成山○舊圖經成山在文登漢武作朱雁之歌拜日

於此

萊州府

之萊山○名山志之萊山。在平度。秦漢祭月於此。懸

崖古篆莫可辯識

孤山○一統志孤山。在濰縣。上有夷齊廟○郡志孤

山之風可敦薄夫

程符山○郡國志程符山。在濰縣。卽公孫弘貧時牧

豕處

節女山○郡縣志節女山。在濰縣。昔齊湣王代楚蘇

渾死焉。有五女。終身不嫁。呼父。竟葬于此山。

播鼓山○括地志播鼓山。在濰縣。泉若車輪。北海令

竇琰嘗引漑田

霍侯山○九域志霍侯山。在昌邑縣○漢書霍光爲

博陸侯。封于北海○顏師古曰博陸古鄉聚之名。

本名陸山。唐天寶六載。改爲霍侯山

大珠山○神仙傳大珠山。在膠州。有石室。晉陳伯舉

隱此山得仙

鵝鳩山○廣輿記鵝鳩山。在膠州南○夷堅志山中

有泉。清泚可鑑。名爲團頂。金正隆間。秋雨。窳側

有一卵。大可盛粟。二石。爛斑。光綵。里人以葛藟絆

縛昇歸舉村來觀數少年攫去煮食之旬日後颶風夜作震動天宇居民百餘家被風掀舉躋于山巔旋落團頂少年食卵者撲死餘無所傷敗瓦朽木至今猶存

靈山○名勝志靈山在膠州東南海中靈山者先日而曙先雨而雲若有靈焉

陰山○事蹟記陰山在卽墨縣山上有小池歲旱不減墨水出焉或云卽墨山也傍有石人長一丈五尺大十圍多馬蹄跡世傳始皇遣此石人逐勞山不得遂葬之山下

勞山○一統志勞山在卽墨海濱相傳吳王夫差登此得靈寶度人經漢逢萌浮海隱此明帝安車徵之佯狂不赴

遼東都指揮使司

華表山○列仙傳華表山在城東丁令威學道于此化鶴歸華表柱相傳譙樓上石柱卽華表柱也有道觀今廢

明山○郡國志明山在復州衛城東○元史高句麗子之子曰東明者葬其上故名

鑿巫閭山○名山志鑿巫閭山在廣寧衛城西昔虞

舜封十有二山之一。卽幽州之鎮也。其山掩抱六重。又名六山。上有桃花洞。聖水盆。三水懸崖下灘。雖冬不冰。又有仙人岩。飛瀑岩。

木葉山○輿地攷木葉山在廣寧中屯衛城東。上建契丹始祖廟。奇首可汗在南。可敦在北。并塑八子像于側。相傳昔有神人乘白馬自孟山浮土河而東。有天女駕青牛車由平地松林泛黃河而下。至木葉山。二水合流。相遇配偶。生八子。其後族屬漸繁。分爲八部。每行軍及時祭。必用青牛白馬。

長白山○名勝記長白山其顛有潭。周八十里。深不可測。南流爲鴨綠江。北流爲混同江。

太原府 以下山西

繫舟山○事蹟記繫舟山在府城東北。禹嘗繫舟于此。故名。一石如環軸。曰繫舟鬼。

西山○城塚記西山在陽曲。有唐殷嶠墓。卽殷國公開山也。又十五里有風穴。出石壁間。其下有廟。傳云神至則穴內有聲。

羊腸山○郡國志羊腸山在交城。石磴縈委若羊腸然。

阪泉山○舊圖經阪泉山在陽曲○左傳僖二十五

年。晉文公卜。遇黃帝戰于阪泉之兆。卽此。有黑白二龍池及阪泉神祠。

懸甕山○水經懸甕山。在晉陽縣。今太原縣西○山海經

懸甕之山。其上多玉。其下多銅○集古錄唐太宗

御書晉祠祠在山上銘筆法倣聖教序。其序畧曰。懸崖

百丈。蔽日虧紅。絕嶺萬尋。橫天聳翠。霞無機而散

錦。峯非水而開蓮。石鏡流輝。孤岩宵朗。松蘿曳影

重谷晝昏

狐突山○狐突山。在交城。一名馬鞍山。上有狐突廟。

產青鐵

呂梁山○呂梁山。在交城界。呂不韋曰。龍門未闢。呂

梁未鑿。河出孟門之上卽此

隱泉山○郡縣志隱泉山。在文水。一名陶山。卜子夏

嘗隱此

公猶山○九域志公猶山。在孟縣。故公猶國也。公猶

國君旣滅。後人于此立廟祀焉○韓非子智伯欲

伐公猶。道不通。因鑄大鐘遺之。公猶大悅。除道而

納。赤章蔓伯數諫不聽。斷轂而馳。公猶遂亾。故隋

名縣曰原公

藏山○元和郡縣志藏山。在孟縣。相傳程嬰藏趙孤



處

白馬山○山海經白馬之山其陽多玉石其陰多鐵赤銅木馬之水出焉○按白馬山在孟縣有白馬關相傳後魏時築

李賓山○名勝志李賓山在孟縣李賓長者塋地也長者名通玄自滄州來日惟啖十棗一栢葉小餅掩室著論後至冠蓋村逢一虎馴伏長者語虎曰吾欲釋華嚴經可與吾擇一棲止處虎遂起引至神福山得一龕居之釋經成年九十有六化于龕中

石峽山○一統志石峽山在靜樂晉人假道于虞出此

管涔山○地理志管涔山在靜樂劉淵嘗于此得神劍

黑風山○黑風山在靜樂山側有竅秋冬時出黑風故名

火山○晉陽事蹟記火山在河曲上有孔以草投孔中煙焰上發可熟食不生草木上有礪砂窟下有氣砂窟山高四五丈黃河過此如遇覆釜而河流為之曲折

鵲山○土地記土地記。在平定州。上有扁鵲廟。

臯落山○臯落山。在樂平。即春秋東山臯落氏之地。

一名靈山

程侯山○城塚記程侯山。在忻州。俗傳程嬰匿趙孤

于此。故有程嬰墓。在九原岡上。又公孫杵臼墓。在

州西北七里之遂村。

鴈門山○地理志鴈門山。在代州。上有迴鴈峯。

句注山○句注山。在代州。古稱險阻。

夏屋山○夏屋山。在代州。趙襄子誘代王登此。命厨

人操銅斗擊殺之。遂有代地。一名卞壺山○爾雅

卞壺之山。有獸形如兔相負共行。俗名為屨。

舜山○名勝志舜山。在代州。山上有舜井。寺曰舜子

寺。以祠虞舜故名。

五臺山○寰宇記五臺山。在五臺○水經注此山五

巒巍然。故謂之五臺。晉永嘉三年。雁門郡後縣人

百餘家。避亂入此山。見山神為之先驅。因而不返。

遂寧岩。往還之士。稀有望見其村。居者至詣訪。

莫知所在。故俗人以此山為仙都。中臺山。頂方三

里。近西北陬。有一泉。水不流。謂之太華泉。蓋五臺

之層秀也。○仙經云。此山名紫府。常有紫氣仙人



居之○内經以爲清凉山。文殊師利所居之地○志云。五臺山。環五百餘里。五峯高出雲表。頂皆積土。有似于臺。山中圓光。不次呈現。有金蓮鉢囊錦花之瑞。亦產天花菜。大如盤。花瓣數層。其色晶潤。○中臺高四十里。頂平廣。周六里。西北有太華池。正東左畔。去臺五里。有雨花池。前三十里有飯仙山。卽中臺案也。東南有鷲峯。西側有甘露池。○東臺高三十八里。頂周三里。東畔有那羅延洞。僅容人身側入。洞中風寒。盛夏有冰。五色光采。嘗從内出。東南嶺畔二十里有明月池。人傳以沙帛障目。

下觀。或見月在水中。○西臺高三十五里。周二里。頂上有魏文帝人馬跡。北有秘魔岩洞。天陰中有聲如風。臺西北有功德水。東北嶺下有文殊洗鉢池。○南臺高三十里。周二里。有聖僧岩。三賢岩。聖鐘山。清凉泉。羅漢洞。竹嶺。金閣嶺。諸勝。○北臺高三十八里。周三里。名掖斗峯。頂有黑龍池。七佛池。南有飲牛池。東北有寶陀峯。諸勝。又名寶山。產銀石綠。東北二臺。麓有金剛窟。又名金剛洞。去臺各二十里。昔佛陀波利入此不出。○清凉寺卽五臺山之清岩嶺。亦名華岩嶺。舊傳文殊現相處。嶺畔

有雪浪亭。俗名七里亭。為登山之徑。○游名山記
下山遊玉華真容圓通諸寺。皆清幽曠邃。寺傍飲
三珠泉。其冽異常。其沸正如珠狀。去泉百步許。觀
七寶珠樹。高二丈許。下為一幹。岐分七條。上復拱
合為一。然後枝葉衍縱披覆而四下

仙人山○寰宇記仙人山在五臺。石岩上有人坐跡。
山腹有手跡。山下有雙腳跡。皆向西立

崞山○名勝志崞山在崞縣。上有崞山神廟。相傳漢
世建邑之時。有神兵出入山麓。以助板築。至今祠
之。廟左有甘露池。歲旱。民置瓶池中。瓶上自然滴

露。味甘立雨

平陽府


姑射山○姑射山在府城西。上有姑射蓮花二洞。即
莊生所謂有神人居者

龜山○龜山在襄陵。山在平地。隆然特起。如龜首然。
山麓掘得石誌云。漢留侯張良墓

喬山○一統志喬山在曲沃。黃帝衣冠葬此

中條山○晉地記中條山在蒲州。跨平陸。芮城。安邑
夏縣。解州界上。有桃花。玄女二洞

堯山○水經注堯山在蒲州。上有堯城。即堯所理



歷山○歷山在蒲州。卽舜耕處。至今荆棘不生。

首陽山○開山圖首陽山在蒲州與華本一山。當河

中流水過而曲行。巨靈神手盪脚蹋。開爲兩山。手

足之蹟猶存。山有二賢祠。祠像爲宋元祐中塑。歷

代石刻。其最古者。唐開元十三年葉昇卿碑。祠之

右卽二賢葬處。上多古栢墳前爲屋。中豎山谷老

人碑及刻首陽山古賢人墓七字。○一云卽禹貢雷

首山

五老山○志五老山在臨晉。上接中條。一名靈峯。○

名山記謂堯登首山。觀于河渚。有五老人飛爲流

星入昴處也。

九原山○九原山在絳州。春秋晉大夫葬地。禮記趙

文子與叔向觀于九原卽此。上產莞花。

稷神山○稷神山在稷山。接安邑萬泉。夏縣。聞喜界。

後稷播穀始此。

太行山○一統志太行山在絳縣。誌稱西北諸山皆

其支脈。

教山○教山在絳縣。今名効山。亦名罩山。○山海經

教山多玉而無石。教水所出。

霍山○霍山在霍州。一名太岳。○禹貢既修太原。至

于岳陽○風俗通霍者言萬物霍然大也○爾雅西方之美者有霍山之珠玉焉○正義曰今河東堯縣有霍太山○周禮職方氏冀州鎮曰霍山是也○有觀堆祠在山下。堆高二里周迴十里○史記智伯率韓魏攻趙。襄子懼保晉陽原。過從後。至于王澤。有三神與過。竹二節。令遺無恤。襄子齋三日。剖竹。有朱書曰。余霍太山陽侯天使也。余將使汝反滅智氏。卒如其言。遂祠三神。使過主之。俗謂其處爲觀阜○唐書隋末喪亂。武牙郎將宋老生屯兵據險。義師至。日不得進。忽有白衣老父詣軍門。

曰。霍山神遣語。大唐皇帝。若向霍邑。當東南傍山取路。我當助破之。遣人往省。果有微道。高祖笑曰。此神不欺。趙襄子豈當負我乎。于是進師。去城十餘里。老生戰敗。弃馬步走。墮身隍中。劉弘基斬之。遂平霍邑。因置祠焉。貞觀八年。詔以破宋老生。殺僂多人。兼置普濟寺。許敬宗撰碑文。

孟門山○孟門山在吉州。呂不韋所謂河出孟門之上。卽此。

蒲子山○土地記蒲子山在隰州。世傳堯之師蒲伊子隱處。

潞安府

百穀山○名勝記百穀山在府城東北神農嘗百穀於此

五龍山○寰宇記五龍山在長治本名上黨山燕慕容永時有五龍見山上因置祠以禮祭五方之神故更今名其山松栢參霄煤煙可取為墨李詩上黨碧松煙蓋指此

發鳩山○發鳩山在長子○山海經發鳩多恠木有鳥名精衛相傳炎帝少女溺於海化為精衛取西山木石填海

紫雲山○寰宇記紫雲山在長子與壺口相接○唐明皇瑞應錄帝潛潞即重九與郡官登壺關山東北有紫雲見光采照日因名

三峴山○三峴山在屯留一名麟山即後羿射九鳥之所

疑山○郡縣志疑山在屯留後魏文帝見此山有伏龍疑不敢進因名其後唐玄宗自潞州入蓋其驗也

五陰山○五陰山在襄垣世傳周公嘗至此天陰霧五日



仙堂山○志仙堂山在襄垣山勢巍峩上有龍洞及仙堂寺山岡有琉璃巖巖中有石如人又有石九圈如車輞環水中。雖旱不涸前有隙地生石子藥丸隨人採取則復生

鳳皇山○事蹟記鳳皇山在潞城一名天塚岡相傳神農時鳳皇棲于此山頂有風洞洞中有玉女泉深五尺未嘗盈竭泉內時有白氣盛出蒙覆其上則雨土人謂之玉女披衣

伏牛山○事蹟記伏牛山在潞城相傳昔神牛爲民害踐食田苗晝伏夜出後有人見一神逐牛入山更不復出

抱犢山○抱犢山在上黨後魏葛榮亂民抱犢入山故名○神仙傳王烈入河東抱犢山得一石室室中有兩卷書讀之不識其字不敢取頗諳十數字形體歸書以示嵇叔夜叔夜盡知其字于是將叔夜往識其徑分明了了及至失石室所在烈竊語弟子曰叔夜不應得道故也○道書福地記抱犢山在壺關縣上黨東南地高七十丈有石城高十丈方一里南角有草名玉枝冬生花高五六尺味頗甘取其葉末服之方寸二三日不饑宜五穀多

食物無惡毒。寇賊不至。

白巖山○白巖山在黎城。俯臨漳水。○〔水經注〕漳水左得黃須水口水。出壁臺西張諱巖下。世傳巖赤則土罹兵害人。惡其變化無常。恒以石粉汗之令白。俗因目之爲張諱巖。按齊武帝謂此巖是天麟口。張赤則殺人。故諱之。

汾州府

萬戶山○一統志萬戶山在府城西。堯時洪水。諸山皆沒。惟此山獨存。所濟者萬戶。

石婆神山○名勝志石婆神山在汾陽。俗傳此山無水。有老嫗日行汲以濟人。不憚勞遠。歿後鄉人建祠山上。因名。

謁泉山○土地記謁泉山在汾陽。一名隱泉山。上有石室。相傳子夏隱處。俗呼爲子夏山。石室去地五十餘丈。頂上平地可十頃。巖頂盤紆。其水伏流。故謂之隱泉。山北有愛子鎮。相傳子夏哭子處。

石室山○地理志石室山在汾陽。山多巖窟可居。昔麻衣仙姑隱此。名麻衣洞。國朝永樂初有仙姑任氏。棲遁修真。家人求之弗得。後人見之。遂逃入石室中。有聲殷殷如雷。其壁開合。手蹟仍存。

介山○寰宇記介山在介休地名綿上介之推死文公以綿上爲之田曰以志吾過且旌善人卽此

爛柯山○神仙傳爛柯山在武鄉晉時王質樵採入山遇二仙奕棋質觀局未終斧柯已爛矣舊有祠廟今廢

呂梁山○呂梁山在永寧州治東禹貢治梁及岐春秋成五年梁山崩皆謂此也俗名積穀山

沁州

綿山○事蹟記綿山在沁源相傳介之推自焚處

澤州

太行山○太行山在遼州東○李穆叔趙記遼陽東

北有五指山巖石孤聳上有手足跡其大如箕指數俱全北齊宣王遣人量之長七尺○十六國春

秋石勒當生之時此山草木皆成鉄騎形

九京山○九京山在和順一名九原檀弓趙文子與叔向觀于九原卽此

大同府

白登山○白登山在府城東上有白登臺卽冒頓圍漢高處

恒山○恒山在渾源州卽北岳也水經謂之玄嶽山

多奇花靈草映帶左右斧斤不敢入。上有飛石窟
兩崖壁立豁然中虛。相傳飛至曲陽縣。歷代怯升
登者就祠于曲陽。以為岳靈所寓也。

龍門山○龍門山在山陰。後魏成帝嘗射於此。有碑
記其陰刻從臣姓名。

賀蘭山○賀蘭山在朔州

陰山○九邊輯要陰山在朔方之北。雲中之南代郡
之西。齊關之東。

元姬山○元姬山在朔州。後魏道武侍姬李姓。善歌
卒。葬此。因名。

大同山○九邊輯要大同山在馬邑縣南。上今離新
平堡外一百五十里。黃台吉五路部落駐此。極強
悍。夏移聚白海子。

九宮山○九宮山在蔚州。金章宗避暑於此。

太白山○太白山在靈丘。一在蔚州。產紅土。可作印
色。

開封府

以下隸河南行省

夷山○志夷山在府城內。一名夷門山。卽侯嬴監守
處。

牛脾山○志牛脾山在洧川。卽鄭莊公築隧見母之

處

白雲山○通志白雲山在蘭陽每旦雲氣上騰其色常白山下有張良洞洞幽深莫知所止世傳爲子房辟穀處

涇山○涇山在新鄭鄭子產廟前有枯柏一株陳根之上多生穉葉列秀青青望之可愛

具茨山○具茨山在新鄭黃帝登具茨受神芝圖於黃蓋童子卽此上有軒轅避暑洞

靈洞山○志靈洞山在滎陽產芝石髓往往聞長嘯聲

靈源山○異苑靈源山在滎陽其間生靈芝石菌巖頂有石髓紫菊往往人間長咲之聲


檀山○異苑檀山在滎陽以山多檀木而名其下有劉禹錫墓

廣武山○廣武山在河陰卽楚漢相拒處

敖山○敖山在河陰秦時敖氏築倉于上漢酈食其勸高帝據敖倉之粟卽此

荆山○荆山在禹州齊武帝嘗於此采玉

蘭巖山○蘭巖山在密縣南接汜水峭拔千丈○唐詩鼓吹註昔者密人蘭公夫婦死于此化爲雙鶴



忽一旦其雄者爲人所害。雌者夜常哀鳴。至今響動巖壑。若知年歲。

首山○首山在襄城○史記申公曰。天下名山八。而三在夷狄。五在中國。皆黃帝所遊。首山其一也。首山者。縣西諸山。迤邐直接嵩華。而實起于此。故名。有聖泉出山上。

歸德府

隱山○隱山在鹿邑。陳搏煉丹處。
碭山○碭山在永城。漢高帝隱此。

彰德府

韓陵山○韓陵山在府城北○魏劉楨詩。朝發白馬。暮宿韓陵。卽此○北史高歡破爾朱榮于此山下。立碑。溫子昇爲文○陳書徐陵使鄴歸荅所知曰。北朝人物。惟韓林片石。可與共語。
蒙賚山○蒙賚山在府城西南。後魏孝文帝遷洛陽于山下。頒賚臣從處。

魯山○魯山在府城西北。春秋時魯般居此。
西牟山○西牟山在湯陰。湯河發源於此。
倚陽山○倚陽山在林縣。山勢峭突。而絕頂皆平地。元末土人避難嘗居此。

隆慮山○名山記隆慮山在林縣南負太行北接恒岳山有三峰南第一峯名仙人樓高五十丈下有黃花谷北巖出瀑布水下注成池黃花谷西北有洞穴去地千仞下有小山孤竦謂之玉女樓其南第二峯名玉女臺高九百丈其山北第三峯名魯般門○顏修內傳橋順字仲產有二子曰璋曰琮師事仙人盧子基于隆慮山棲霞谷教二子以清虛之術服飛龍藥一丸千年不饑○魏文帝詩西山有二童不飲亦不食

天平山○天平山在林縣泉石之勝遠過衡岳山峯層疊而最高大者六曰倚屏曰紫霄曰煙霞曰連雲曰朝陽曰羅漢上有長者崖獻花臺倚雲屏漱玉泉舞獸石白龍潭諸勝柳宗元有記韓忠獻公跋而勒石○長者崖過釣臺西百餘步西南望懸崖峭壁間有石紋如子婦拜長者狀○獻花崖在醉仙崖西石岬如童子獻花狀自釣臺而下竝張商英所名○倚雲屏在仙居西屏牆峯在倚雲西山勢削立如屏牆然○漱玉泉源發于清凉巖側流入崑閬溪柳公記所謂珍珠泉也○舞獸石清凉巖下西有二大石跨小徑狀若舞獸○白龍潭

在崑閬溪中。舊傳有白龍見于此。歲旱禱雨必應。○宋元祐中。嘗有遊客乘醉戲自巖上投石潭中。倏忽雷霆風雹竝起。遠近傳懼。是後無敢敖戲巖上者。

石鼓山。○石鼓山在磁州。○宋永初山川記。鼓山有石二所。若鼓形。南北相當。俗語云。南鼓北鼓。相去十五。○冀州圖。鄴城西有石鼓。鼓自鳴。則有兵。魏都賦。神鉦迢遞于高巒。是也。○鼓山亦名溢山。○魏地記。溢口山。卽魏文帝邀擊袁尚處。太行山八陁之第四陁。曰溢口陁。山嶺高深。實爲險阨。

賀蘭山。○神仙傳。賀蘭山在磁州。賀蘭真人居此。

鼓山。○鼓山在武安。上有二石如鼓。鳴則起兵。北齊末。隋末。屢驗。高澄虛葬。歡於漳水之西。潛鑿鼓山石穴。納其柩而塞之。殺群匠。及齊亡。一匠之子。發石取金而逃。

衛輝府

蒼山。○蒼山在府城西北。產珉石。

同盟山。○寰宇記。同盟山在獲嘉。昔武王伐紂。與諸侯同盟此山。上有太公校閱臺。

黑山。○九州要記。黑山在淇縣。一名墨山。墨子昔居

此山採茯苓餌之五百歲不死○魏志漢獻帝初平二年墨山賊于毒白統睦固等十餘萬衆攻掠魏郡卽此處也

青巖山○青巖山在淇縣上有水簾洞洞中出水可鑿毛髮

蘇門山○蘇門山在輝縣孫登隱此阮籍訪之不答一語籍退聞山顛有聲若鸞鳳乃登嘯也

共山○共山在輝縣邑人又呼九日山以九日登臨其上故名

白鹿山○名勝志白鹿山在輝縣西與太行連接上有天門谷百家巖○盧思道西征記孤巖秀出上

有石自然爲鹿形遠視皎然獨立厥狀明淨有類人工故以白鹿名

天門山○九州要記天門山在輝縣石自空狀若門焉其門有三水嵇康採藥逢孫登彈一絃琴于此處

懷慶府

太行山○太行山在府城北王烈入太行忽聞山北雷聲往視之裂開數百丈石間一孔徑尺中有青泥流出烈取搏之卽堅凝氣味如香粳飯○述征

記太行山。首始于河内。北至幽州。凡百嶺。連亘十三州之界。有八陁。

王屋山○王屋山在濟源○禹貢底柱析城。至于王屋。註云。山有三重。其狀如屋。山上有濟源廟。廟記曰。古王者之屋四柱。太行山似之。頂曰天壇。東曰日精。西曰月華。北曰天門。古松數株。皆千百年物。玉陽山○玉陽山在濟源。唐玉真公主弃家學道來玉陽山。因建陽臺宮。天寶後昇仙。仍建靈都觀。在尚書谷。谷内有憇鶴臺。

嵇山○寰宇記嵇山在修武。嵇康嘗寓其下。卽竹林七賢雅遊地也。

紫金山○紫金山在孟縣。唐太宗嘗獵此。

河南府

周山○周山在洛陽。一名小亭山。下有周谷。卽周之采地也。

芒山○圖經芒山在洛陽。一名北邙山。一名平逢山。邙山之别名也。都城所枕。連亘四百餘里。實古今東洛九原之地○廣輿記接偃師鞏孟津三縣界。東漢諸陵及唐宋名臣墓在此○後漢梁鴻登邙山作五噫之歌曰。陟彼北邙兮噫。顧瞻帝京兮噫。

宮闕崔嵬兮噫民之劬勞兮噫遠遼未央兮噫

伊闕山○伊闕山在府城西南左傳趙鞅納王使女

寬守闕塞卽此一名龍門山

香山○香山在洛陽地產香葛有香山寺樂天堂○

白樂天云龍門諸寺香山寺爲最日與僧如滿結

社于此卒葬焉李商隱爲志

八將山○八將山在洛陽唐尉遲敬德與單雄信八

將合戰于此

首陽山○郡國志首陽山在偃師日之方升光必先

及春秋之所謂首戴也乃夷齊歌所

緱山○緱山在偃師周靈王太子升仙之所上有石

室飲霍池

乾脯山○九州要記乾脯山在偃師○周敬王于此

曝乾脯而名

半石山○半石山在偃師○山海經半石之山其上

有草焉高丈餘華莖皆赤而不實其名曰嘉榮服

之者不畏雷霆

侯山○志侯山在鞏縣○盧元明高山記漢有王彥

者隱于此山景帝累徵不出就而封侯故名至今

指所在爲王彥崖○通志一名王亥山

九山○九山在鞏縣○〔水經注〕以桐澗水北流。經九
山東○仲長子論。昔宓有卜成者。身遊九山之上。
放心不拘之鄉。指此。山際有九山廟碑。晉永康二
年立。文云。九山府君。太華元子之碑。

轅轅山○轅轅山在鞏縣○〔左傳〕襄二十一年。樂盈
過周。王使侯出諸轅轅。注。關名也。按薛綜注。東京
賦。轅轅坂十二曲道。將去復還。故曰轅轅○漢河
南尹何進所置八關。此其一也。

女几山○〔寰宇記〕女几山在宐陽○〔唐李賀集〕白蘭
香神女上昇。遺几在焉○志以晉女娥彭汲器所

化之地

嵩山○嵩山在登封。卽中岳。東曰太室。西曰少室。有
少林寺。在少室之北。麓後魏時建。講堂後立雪亭。
卽惠可侍達磨。雪深至腰處也。漢有道士。從外國
來。將貝多子來種之。西麓成四樹。一年三花。白色。
香異常。

陽城山○陽城在登封。俗名車嶺山。洧水出焉。卽禹
避舜子處也。

箕山○箕山在登封。一名鄂嶺。昔許由隱此。堯召之
爲九州長。由不欲聞。滌耳于潁川之濱。巢父牽犢。

去上流而飲之故。山上有牽牛墟。及許由廟。漢潁川太守朱寵立碑潁水側。有犢泉。石上犢跡猶存。昔潁陽縣以此名。

大苦山○寰宇記大苦山在登封倚箔山。太谷山俱在舊潁陽境。○山海經大苦之山其陽狂水出焉。水多三足鱉食之無大疾。可以已腫。

峻山○峻山在永寧。自東峻至西峻相去三十五里。地極險峻。


金門山○金門山在永寧。產竹可為笙管。青要山○青要山在新安。一名强山。有異草。黃花赤。

實服之益壽

慕容山○慕容山在新安縣治後。○燕慕容垂屯軍于此故名。

雲門山○名山記雲門山在沔池縣北。其寺曰雲門寺。西北有王喬洞。去縣二十里。山石皆土所成。取而破之。木葉之形交錯其間。文理具在。若雕刻然。洞之上二木亦皆化石。而產枝葉猶故。其舊碑云。昔神仙大丹成。土木皆化為石。

韶山○韶山在沔池。左右有金鳥玉兔二峯。陸渾山○陸渾山在嵩縣。一名方山。漢末高士胡昭。



隱此

伏牛山○[志]伏牛山在嵩縣。即唐自在禪師修道之所

三塗山○三塗山在嵩縣○[周書]武王南望三塗○

[春秋]晉伐陸渾。請有事于三塗是也

鼈山○鼈山在嵩縣西○[山海經]山陽多玉山。陰多

鬼有獸。其形如牛。蒼身。音如嬰兒。食人。名曰犀渠

思遠山○思遠山在嵩縣。上有龍興寺。則天后于此

避暑。俗呼石巖山

介丘山○介丘山在嵩縣○唐武后到山半。見神人

立雲霧中故名

茅谷山○茅谷山在盧氏縣。一名伏龍山。上有雲溪

洞○

號山○號山在盧氏。相傳號王建都其下

熊耳山○[漢地理志]熊耳山在盧氏。兩峯相竝如熊

耳。即達磨葬處○[遁甲開山圖]熊耳山有金匱石

室。夏禹藏書之所○禹貢導洛自熊耳。即此

底柱山○底柱山在陝州東北四十里黃河中。俗名

三門。南曰鬼門。中曰神門。北曰人門。唐太宗勒銘

尚存○禹貢導河積石。東至于底柱。注云。河水分



流。包山而過。山見水中。若柱然也。○又以禹理洪水。山陵當水者。破之以通河。三川既決。河出其間。有似門狀。故俗號三門。有禹廟。古碑見存。

峴山○峴山在靈寶形似襄陽峴山故名

夸父山○夸父山在閩鄉下有桃林。武王放牛桃林

之野卽此

荆山○荆山在閩鄉。黃帝采首山之銅。鑄鼎于荆山。

卽此

崆峒山○崆峒山在州城西。廣成子隱此。今有墓。莊

周述黃帝問道空同。遂遊襄城。登具茨。訪大隗。皆與此山相接。

風穴山○風穴山在汝州東北。唐時貞禪師傳燈之

所。○宋吳幾隱此。舊有吳公洞。讀書菴。雅才亭。諸勝。李薦俱題咏。其上有翠嵐亭。登之則州城可見。

魯山○魯山在魯山。孤峰秀立。爲邑之鎮。

彭山○彭山在魯山。世傳彭越屯兵于此。

商餘山○商餘山在魯山。元結嘗隱此。

大劉山○大劉山在郟縣。世傳漢高祖入關駐此。名

沛公壘。○注水經以滄澗水出大劉山。又以董溝



水出沛公壘。是東漢光武亦駐焉。後人立廟山上。有大劉小劉之異。

峩眉山○峩眉山在郟縣。以類蜀之峩眉故名。蘇文忠所命也。其地與滬陽山相近。山之陽有婁源洞。世傳婁敬隱此。亦滬澗溪水所出。山下有廣慶寺。寺內有三蘇祠。軾轍兄弟俱葬此山。

香山○香山在寶豐。舊名火珠山。上有二峯。東曰大龍。西曰小龍。相傳觀世音證道處。

九里山○九里山在寶豐。香山之前。史記高帝敗項羽處。

雲夢山○雲夢山在伊陽。鬼谷子嘗隱此。

汝寧府


天中山○天中山在府城北。以居天地之中故名。自古考日影測分數莫正于此。

渣呀山○地理志渣呀山在遂平。唐書節度李觀及吳元濟戰渣呀。○五代史黃巢由潁蔡保渣呀山。

蟠山○蟠山在確山。旋繞若龍蟠狀。

朗陵山○輿地攷朗陵山在確山下。有朗陵城。卽漢縣。

靈山○靈山在信陽州。秀出衆山之上。每雲氣覆頂。



雨即至

天目山○天目山。在信陽州。下有龍窟

鵲山○鵲山。在羅山。舊傳有鵲羣棲其上。風雨將至。

則先噪

老君山○寰宇記老君山。在羅山。以老子所嘗停車。

故名

杏山○杏山。在光山。抱朴子種杏處

浮弋山○浮弋山。在光山。即弋陽山也。峯巒奇峭。俯

映長淮。出細石。堪為碁子

銅井山○輿地記銅井山。在固始。山上有井。以銅為

口。不知起自何代。亦曰仙人居之

白牙山○白牙山。在固始。產桑中弓材

橫溪山○橫溪山。在商城。夾水橫流。相傳為武后梳

洗崖。與照鏡崖對。內有臙脂石。粉石

南陽府


豫山○九域志豫山。在府城北。孤峰峭立。下有二十

六陂

雉衡山○郡縣志雉衡山。在府城北。山有石室。頗精

潔

紫山○紫山。在南陽。一曰豐山○山海經豐山有獸



其狀如蟻。赤喙黃身。名曰雍和。見則國有大恐。又云。山有九鐘。霜降則鳴。下有泉曰清冷。泉神耕父處之。神來時。水亦有光耀。卽南都賦。耕父揚光于清冷者也。

蕘山○蕘山在南陽。昔居民患蠱毒。遇神女于此。教以食蕘荷。遂愈。因名。

白玉山○白玉山在唐縣。一名髮山。上有卓錫泉。世傳靈濟禪師卓錫其地。

桐栢山○寰宇記桐栢山在唐縣。上有玉女臥龍翠微蓮花。諸峰淮水出其下。祖逖嘗避難于此。

天封山○天封山在唐縣界。一名大胡。○南都賦。天封大胡。列仙之陬。指此。

石門山○石門山與桐栢兩山對峙如門。

胎簪山○胎簪山在桐栢。○禹貢淮水發源胎簪。卽此。又名大復山。○漢書桐栢大復。淮水所出也。

石柱山○石柱山在桐栢。上有石柱。柱有鉄環。莫知其故。

天子望山○統志天子望山在南召。耆老云。昔光武失路。群鴉導之而出。因登此山以望南陽也。

馬戶山○名勝志馬戶山在內鄉。山有穴。相傳昔有



神馬出焉。石勒時立黃攀神祠于上。因號曰胡保山。

香爐山○香爐山。在内鄉靈山之東。上有神祠。舊有一香鼎。範金所成。而漆其外。刻云。左七里。右七里。黄金只在七七里。人皆莫曉。至元時。内臣見之。而悟携去。

高前山○高前山。在内鄉。亦名天池山。其上有池。水甚寒冽。○山海經比于帝臺之漿。飲之者。已心痛。太白山○太白山。在内鄉。接浙川界。孤峰高峻。下臨丹河。


秋林山○秋林山。在内鄉。泉石佳麗。

黃成山○名勝志黃成山。在葉縣。一名黃栢山。或云卽方城山。亦名長城山。乃長沮桀溺耕處。下有溪。子路問津于此。

西安府 以下陝西

終南山○一統志終南山。在府城南。卽中條山也。盧藏用初隱終南。入目爲隨駕處士。司馬承禎還山。盧指終南曰。此中大有佳處。承禎曰。仕宦之捷徑爾。

太乙山○太乙山。在終南之南。一名地肺。



龍首山○程大昌雍錄龍首山在長安長六十里首入渭水尾達樊川秦時有黑龍從南山出飲渭水其行道因成土山

驪山○驪山在臨潼左曰東繡嶺右曰西繡嶺下有溫泉其清徹底不火而熱

慶山○名勝志慶山在臨潼唐武后時忽風雷湧出此山高六尺餘漸高至三百餘尺武后以為祥因曰慶山而設縣焉時荊州喻文俊上書曰地氣不和而堆阜出今陛下以女主處陽位山變為災反以為慶何也后怒貶之嶺外又給事中魏璘曰地


生骨堆何足為慶竟賜死

玉山○志玉山在藍田玉之次者曰藍縣出藍玉故名漢鼎湖宮建此

七盤山○七盤山在藍田○杜氏通典七盤十二絳藍關之險路也

仲山○圖經仲山在涇陽初名中山後訛為仲俗傳漢高帝兄劉仲所居上有仲子廟歲旱圍此射獵則有風雨其山出竹箭

甘泉山○寰宇記甘泉山在涇陽亦名石鼓原甘泉水出焉漢甘泉宮在其上楊子雲作賦夢吐鳳于



楮上者

堯門山○堯門山在三原。上有唐德宗陵

嵯峨山○郡國志嵯峨山在三原。山顛雲起則雨。一

名慈峨

石樓山○石樓山在整屋。卽老子煉丹處

靈臺山○寰宇記靈臺山在渭南。卽宋仁宗曹后故

居也

商山○郡國志商山在商州。卽四皓隱處。一名商洛

山。開元時高太素避居山中。建六逍遙館。曰晴夏

晚雲。中秋午月。冬日初出。春雪未融。暑簟清風。夜

階急雨

熊耳山○一統志熊耳山在商州。伊水所出。山多丹

青樹

秦嶺○秦嶺在商州○三秦記秦嶺東起商洛。西盡

汧隴。東西八百里。嶺根水北流入渭。號爲八百秦

州。亦卽丹水所出也

誤入此

夢谷山○夢谷山在鎮安。其山危峻。常有雲起。八景

之夢谷晴雲指此

玄扈山○名勝記玄扈山在洛南○黃帝錄帝在扈

山。與其臣容光周昌等俱。有鳳銜圖至帝前。以黃

玉爲匣。帝開之。其文可曉。乃拜受焉。

天柱山○天柱山。在山陽。壁立萬仞。上有池。

龍門山○志龍門山。在韓城。禹導河至此。斷崖絕壁。

相對如門。惟神龍可越。故曰龍門。境與山西河津。

相接○寰宇記太史公墓在縣南芝川鎮。

少華山○少華山。在華州。

太華山○山海經太華山。在華陰。卽西岳也。詳五岳。

金粟山○金粟山。在蒲城。山有碎石。若金粟。

豐山○豐山。在蒲城。一名蘇愚山。其南有仙臺觀。唐。

金仙玉真二公主。入道所置。

蟠龍山○名勝志蟠龍山。在蒲城。唐明皇游此。雲霧。

中覩若黃龍。又于下得石。宛似蟠龍。因以其地爲。

龍樂鄉。

磬玉山○九域志磬玉山。在耀州。山出青石。可以爲。

磬。自唐朝採用。而泗濱之石遂廢。白居易有詩紀。

之。孫思邈宅在此山陽。有石洞。其頂五峯對峙。亦。

謂之五臺山。

鑑山○方輿勝覽鑑山。在耀州。每遇年豐。則光照人。

試之多驗。州名耀者。本此。

女回山○志女回山。在同官。俗傳秦築長城。孟姜之。

夫成死負其骸經此而返故名

中山○中山在富平。漢武帝獲寶鼎于汾陰。迎至中山。有黃雲蓋其上。卽此。

荆山○荆山在富平。○禹貢荆岐既旅卽此。○帝王世紀禹鑄鼎于荆山。

梁山○志梁山在乾州。古公踰梁山卽此。

九峻山○一統志九峻山在醴泉。昭陵陪塋諸臣。若魏徵房玄齡杜如晦虞世南李靖尉遲恭墓皆在焉。

武將山○武將山在醴泉。一名五將山。上有唐肅宗

陵

太白山○太白山在武功。山常積雪。望之皎然。軍行不得鳴鼓角。鳴則疾風暴雨立至。上有洞。道書第十一洞天。

武功山○武功山在武功。北連太白。最秀。

明月山○明月山在永壽。夜望之皎如月白。

翠屏山○名勝志翠屏山在永壽。卽武陵山也。狀如畫屏。故名。

漢中府

漢山○漢山在府城南。北距漢水。南接巴山。春夏多



積雪

天臺山○郡縣志天臺山在府城西北石有金星者可作硯

中梁山○一統志中梁山在南鄭褒城處梁州之中故名高陵群擁勢類積穀山名因之而郡亦因以稱焉

大巴嶺山○大巴嶺山在漢中府西南○周地圖記此嶺之南古巴國也孤雲兩角米倉諸山皆在其內孤雲勢極險峻行人三日始達上有兩峯對峙故曰兩角語二孤雲兩角去天一握是也○郡國

志韓淮陰廟在米倉嶺舊傳蕭何追信至此

仙臺山○輿地志仙臺山在南鄭上有古城三門不可登山下時聞鐘磬之聲○道家開生經云此山仙人玉女所居亦名玉女山

雞翁山○名勝志雞翁山在南鄭縣北有石峯臨江突起如雞冠狀○稽神錄唐溫造爲興元節度赴任將近漢中天雨平地水尺餘不可進乃禱雞翁山神疾風驅雲卽時晴霽文宗聞其事勅封雞翁山神爲侯

箕山○箕山在褒城鄭子真隱此有秦王獵池及丙

穴道人谷

斗山○斗山在城固。一峰特起。頗似斗杓。故名。山穴有肉芝。即千歲蝦蟇。食之可益壽。

太白山○輿地記。太白山在洋縣。天寶中得玉冊于此。

武都山○武都山在鳳縣。產雄黃。

紫栢山○志。紫栢山在鳳縣。上有七十二洞。異人多隱此。

白馬山○白馬山在寧羗州。後漢張衡家傳。衡于灑口升仙時乘白馬。後人遙望山上。往往有白馬。

因以為名。亦神仙十化之一也。

五丁山○五丁山在寧羗州。其硤曰五丁硤。即秦惠王詭言石牛糞。金誘蜀所開之山也。

蟠冢山○蟠冢山在寧羗州。漢水所出。宋王仁裕嘗蓄一猿。名曰野賓。一日放此山。後仁裕復過。見一

猿迎道左。從者指曰野賓。呼之即應。隨行數十里。哀吟而去。

大丙山○郡縣志。大丙山在沔縣。唐避諱。改丙曰景。每歲春時。有魚長八九寸。從山穴中出。即丙穴也。

龍門山○龍門山在沔縣。中敞大洞。下激清泉。夏懸

水簾冬凝水柱

玉女山○玉女山在畧陽山半有白石如人冠冕端坐旁石嶙嶙若侍立者

牛山○牛山在興安州○揮塵錄黃巢亂有太白山人謁州刺史崔堯封云掘破牛山賊自敗崔遂發卒掘之得一石桶桶中有黃腰獸一劍一獸見劍自撲而死巢至秋果敗

天柱山○一統志天柱山在興安秀出衆嶺其下有碧鈿青綠諸洞二十餘處唐宋俱采取入貢我朝始停閉

女媧山○女媧山在平利舊有女媧祠故名

藥婦山○名勝志藥婦山在平利昔有夫婦入山獵夫墜崖下其婦以藥救之尋皆化爲石山頂藥臼尚存

鳳翔府

雍山○雍志雍山在府城西北四面高積曰雍雍州之名因此

岐山○九域志岐山一名天柱山禹貢導岍及岐太王邑于岐山之下文王時鳳鳴岐山皆此○河圖括地象山在崑崙東南爲地乳上多白金

五將山○五將山在岐山連亘扶風咸陽之界○後秦錄苻堅為慕容冲所逼率眾入五將山姚萇遣將吳忠執之先是童謡曰堅入五將山長得卒以為驗

南山○南山在岐山即終南山也接長安藍田鄠縣界

梁山○梁山在岐山太王去邠踰梁山即此

飛鳳山○志飛鳳山在扶風有漢伏波將軍廟山頂有亭曰遠愛宋蘇軾書

太白山○太白山在郿縣關中諸山莫高於此積雪

六月不消

陳倉山○陳倉山在寶雞上有石似山雞狀晨鳴山顛聲聞三十里

石鼓山○石鼓山在寶雞有石如鼓上有文周宣王田獵時所鑿今在國子監

青蓮山○青蓮山在麟遊

吳嶽山○寰宇記吳嶽山在隴州今為西鎮上有五峰

關山○一統志關山在隴州山多鸚鵡通臨鞏之要關

隴山○地理志隴山在隴州西北○說文隴山天水大坂也其坂九廻泉流四注登者七日乃至俗歌云隴頭流水鳴聲嗚咽遥望秦川肝腸斷絕又云隴頭流水分離四下念我行役飄然曠野登高遠望涕零雙墮蓋登隴東望秦川四五百里極目泯然墟舍桑梓與雲霞一色高處可容百餘家下處容十萬戶上有懸溜吐于山中漚為澄潭名萬石潭流溢散下皆注于渭

平涼府

崆峒山○崆峒山在府城西上有問道宮黃帝問道

于廣成子即此

可藍山○寰宇記可藍山在平涼一名都盧山與笄

頭山相連○十六國春秋赫連定勝光二年敗平

涼登可藍山望統萬城泣曰先帝若不以朕承大

業豈有今日乎俄而有群狐繞之鳴射之竟不得


一。咲云咄咄此亦怪事也

隴山○隴山在華亭春夏積雪產鸚鵡

雉頭山○雉頭山在鎮原狀如雉頭始皇巡隴西嘗

幸此

潛夫山○名勝志潛夫山在鎮原漢王符所隱有讀



潛確居類書 卷十一
書臺遺址符字德克著潛夫論故山亦因之名後
人建亭其上曰思潛亭

玉山○郡志玉山在鎮原山多白石陰雨之夜明豔
如玉

須彌山○須彌山在固原州上有古寺松檜鬱然卽
石門關舊址

六盤山○六盤山在固原州曲折險峻盤旋有六故
名元世祖嘗駐蹕安西王因建樓其上清水發源
于此

回中山○回中山在涇州上有王母宮漢武求神仙

于此

臨洮府

西傾山○西傾山在府城西南卽禹貢西傾因桓是
來之西傾

崆峒山○崆峒山在府界

鳥鼠山○鳥鼠山在渭源鳥鼠共穴故名

皋蘭山○皋蘭山在蘭州東西環拱州城如張兩翼
漢霍去病嘗擊匈奴至此

白石山○一統志白石山在蘭州周將梁暉至此爲
羗所圍迫于渴暉以青羊禱之山神飛泉湧出

龕山○龕山在金縣漢趙克國宋狄青皆嘗所置寨處

馬寒山○馬寒山在金縣又名馬銜山綿亘數百里勢極高峻雖夏冰雪不消

雪山○雪山在河州四時皆雪山之石如骨露又名露骨山

積石山○積石山在河州禹貢導河積石卽此兩峯如削黃河中流

鞏昌府

雪山○郡縣志雪山在會寧峰勢險峻春夏積雪不

消

桃花山○桃花山在會寧土石赤似桃花

朱圉山○寰宇記朱圉山在伏羲卽禹貢朱圉俗呼

曰崖山

石門山○石門山在寧遠四圍皆硤僅容一門其下

有洞光映如月名夜月洞

瓜牛山○瓜牛山在寧遠高五百丈周圍四里上有

日月空日月未出其光先照亦一奇也

薰黑山○薰黑山在寧遠中有湫池水黑如墨

琵琶山○九域志琵琶山在蘭州峻險曲折似琵琶

首故名

泥功山○泥功山在寧遠唐貞觀五年權置行州于此舊城基猶存有泥功廟石像天成古怪殊甚○唐趙鴻詩立石泥功狀天然詭恠形未嘗思禍福終不費丹青

祁山○祁山在西和上有堅城諸葛亮攻祁山以木牛流馬運餉卽此

鹿玉山○鹿玉山在成縣雲徑如線上有獅子洞洞口飛泉漱石如玉名玉井

仇池山○仇池山在成縣上有池似覆壺有瀑布望

之如舒素○辛氏三秦記仇池山有池百頃戰國時爲白馬氏之處其山東西二門盤道三十六廻七里上有岡阜泉源煮土成鹽居人以萬數西晉末爲氐陽茂搜所據宮室困倉皆立板屋稱藩于晉晉因置仇池郡

伶倫山○伶倫山在徽州崖石如舞優狀

素嶺山○素嶺山在文縣亦以積雪不消而名黑水發源于此

太白山○九域志太白山在文縣山谷高深夏常積雪

嶓冢山○嶓冢山在秦州。上產異草名花骨空。食之令人無子。○通典嶓冢有二。一在天水。一在漢中。在天水者。西漢水之所出也。


麥積山○麥積山在秦州。狀如麥積。志稱秦地林泉之冠。上有姚秦所建寺。并梁庾信積麥崖銘。隋開皇中塔記。○杜詩埜寺殘僧小。山園細路高。麝香眠石竹。鸚鵡啄金莢。亂水通人過。懸崖置屋牢。上方重閣曉。百里見纖毫。○天水圖經積麥山有瑞應寺。佛龕剝石。閣道縈旋。上下千餘尺。

九龍山○九龍山在秦安。其山九峯。狀若龍翔。磅礴百里。逕秦隴以達長安。迤為廟山。三臺山。七星嶺。巴中嶺。皆其支也。

長山○長山在秦安。起自隴城。延袤百餘里。至社樹平。迤邐而西。至縣東南。翩然而集。一名三陽山。與秦州三陽山相連。案社樹平。即經之破社谷。

單于山○單于山在秦安。對峙隴河之陽。與縣為屏障。然夕山○夕山在秦安。山形如蓋。夕暉掩映。崖壑迴翔。秦地稱最勝者。

金紫山○金紫山在禮縣。亦以土色類紫金也。



慶陽府

景山○郡國志景山在安化。木石奇怪。中多異獸。見

山海經

子午山○子午山在合水。一名橋山。接真寧界。相傳

黃帝堊衣冠處。名勝志云。舊名翟道山。一謂雞山。

有烏雞水出焉。

烏崙山○烏崙山在環縣。山勢高險。宋末于此置烏

崙寨

羅山○羅山在真寧。天寶初嘗獲玉真人像二十七

于此

撫琴山○撫琴山在真寧。卽唐玄宗夢群仙處。洞中

風來有聲若琴韻

延安府

嘉嶺山○嘉嶺山在府城東南。范仲淹大書嘉嶺山

三字刻于石

碧簪山○一統志碧簪山在府城北。形如碧簪。一名

虎頭山

清涼山○清涼山在府城東北。上有屍毘巖。昔屍毘

王修道處。一洞中大小石佛萬餘

伏龍山○伏龍山在膚施。狀如臥龍。故名○郡國志

上郡之名山也

牡丹山○牡丹山在膚施名曰花原頭產牡丹極多。樵者以之為薪。○歐陽永叔花譜所謂延州牡丹與荆棘無異也

雕陰山○寰宇記雕陰山在甘泉山夾土石鷹雕所居

勞山○勞山在甘泉有大小勞相傳宋狄青與夏人相拒士卒疲困憊于此

鴉鴿山○鴉鴿山在安定上產鴉鴿二鳥竝居亦鳥鼠同穴之類

神木山○神木山在安定山中古樹千株樵採不敢入人以為神

于岔山○于岔山在安定縣西五十里

孟門山○孟門山在宜川山在黃河中

安樂山○九域志安樂山在宜川相傳昔時屯兵于此主帥命唱安樂詞以慰勞之故名

屏山○通志屏山在延長狀如畫屏翟水逕之水面出油可以燃燈

獨戰山○獨戰山在延長其山嶮峻一人拒守可以當千交口川遠之

髑髏山○通志髑髏山在延長。耆老相傳古時鬪戰收人首數萬于此山。因置廟祀。

青眉山○青眉山在延川。後魏時有吐蕃青眉族居此。

櫻桃山○櫻桃山在鄜州。上多櫻桃樹。

橋山○橋山在中部。卽黃帝葬衣冠之所。古栢凌霄。乃軒轅時物。

翟道山○翟道山在中部。今名石堂山。穆王駕八駿造父爲御。逕絕翟道。升太行卽此。

太子山○太子山在宜君。世傳秦扶蘇築長城時所

憇

疏屬山○疏屬山在綏德州○山海經貳負之臣曰

危。與貳負殺窳窳。帝乃梏之。疏屬山。桎其右足。反

縛兩手。與髮繫之石。漢宣帝嘗發疏屬山。得一人。

徒蹠被髮。反縛。械一足。因問羣臣。莫能曉。劉向按


此言對之。宣帝驚異。始重文學。

燕然山○後漢書燕然山去塞三千里。在今神木縣。

卽燕支山也。車騎將軍竇憲大破單于。登燕然山。

刻石勒功。紀漢威德。班固爲之銘曰。鑠王師兮征

荒裔。勦凶虐兮截海外。履其邈兮亘地界。封神丘



今建隆碣熙載今振萬萬世

諸邊衛

峽口山○峽口山在寧夏兩山相夾。黃河經其中。一名青銅峽。上有古塔一百八座

賀蘭山○一統志賀蘭山在寧夏衛城西六十里。丹崖翠壁巍峻鉅麗。盤踞數州。山上多青白草。遙望如駿馬。北人呼駿馬為賀蘭故名。鮮卑之類。多依山谷為氏族。今賀蘭姓者亦依此山也。趙元昊宮在賀蘭之東。阻河為固。宮垣尚存。元昊死。其子諒祚立。仁宗皇祐元年十月。契丹伐夏。獲諒祚之母

子于賀蘭以歸。即此山也

沙山○沙山在寧夏中衛城西五十里。因沙所積。日

久成山

石空山○名勝志石空山在寧夏中衛城東七十里

有洞曰石空洞。其寺為石空寺。○無名氏詩。疊嶂

玲瓏竦石空。誰開蘭若碧雲中。僧閑夜夜燃燈坐

遙見青山一滴紅

東隴山○東隴山在洮州衛。蕃人耕種處

石嶺山○石嶺山在洮州衛城北十五里。形勢峭拔

草木不生。唐置石嶺關于此

西嶺山○西嶺山在洮州衛。桓水所出。禹貢西傾。因桓是來。卽此。

岷山○岷山在岷州衛。洮水經其下。相傳神禹見長人。受黑玉書于此。

冷落山○冷落山在岷州衛城東五十里。春夏多陰晦雨雪。不生草木。故名。

遮陽山○遮陽山在岷州衛城東一百二十里。以日景爲山所蔽也。

積石山○九域志積石山在河中衛。禹導河積石。至于龍門。卽此。

黑山○黑山在榆林衛。水甘草茂。虜騎內侵必至此。

馬神山○馬神山在榆林衛城東北二里。秋祭馬社于此。

紅山○紅山在榆林衛城北五里。山皆紅石。地近沙阜。因築紅山墩。

合黎山○合黎山在鎮夷。禹貢導弱水至于合黎。卽此。

祈連○西河故事祈連燕支二山在張掖酒泉二界上。今陝西行都指揮山丹衛是其地也。冬温夏凉。宜畜牧。匈奴失二山乃歌曰。亡我祈連山。使我六

畜不蕃息。失我燕支山。使我婦女無顏色。

師古曰。祈連山。

即天山也。匈奴呼天為祈連。又名時漫羅。祈浸羅。

○漢名臣奏議曰。漢得

陰山。匈奴耆老過之。未嘗不哭。

昆侖山○拾遺記。昆侖山在肅州衛。其顛峻極。春夏

積雪不消。穆王見王母于此。立祠。珠璣鏤飾。煥若

神宮。

馬蹄山○馬蹄山在甘州衛城南百里。巖石上神驥

足跡。至今猶存。

九隴山○九隴山在肅州衛城南二百里。○周地圖

昔有仙人坐張掖西方山上。射酒泉郡西金山之

日。神射得九籌。畫此山上。遂成九隴。因以為名。

雪山○寰宇記。雪山在永昌衛西南界。一名白嶺山。

山頂冬夏積雪。望之皚然。寒氣異于餘處。鳥飛不

下。與涼州南山相連絡。

三危山○三危山在沙州。即窟三苗之地。

鳴沙山○鳴沙山在沙州。峯勢危峻。沙如乾糖。天氣

清明。則沙鳴。聞數里外。

蘇武山○蘇武山在鎮番。即牧羝處。



福丸山○鎮丸山○谷崎崎崎崎

赤間限少部郡藤里代

島心山○御心山○谷崎崎崎崎


三武山○三武山○谷崎崎崎崎

下與京山南山林野路

山前冬夏青雲空之曲水寒泉異千餘里

雲山○雲守山○雲山○谷崎崎崎崎

潜確居類書卷之十七



国立国会図書館 タイトル『潜確居類書120巻』 請求記号 032-Ti282s

ガラス使用